



MISSINGIUT

20. juni 2025

Silaannakkut angallassinermut ingerlatseqatigiiffit aamma silaannakkut angallassissutini timmisartortartut killeqarfinnik nakkutilliinermut atatillugu pisissaaffii pillugit Kalaallit Nunaannut nalunaarut.

Nunami allamiut pillugit inatsisip Kalaallit Nunaannut atortuulernera pillugu peqqussummi nr. 150-imi, 23. februar 2001-imeersumi, peqqussummik nalunaarut nr. 184, 14. februar 2025-imeersoq malillugu peqqussutikkut nr. 759-ikkut, 12. juni 2023-imeersukkut allangortinneqartumi § 385, imm. 4, aamma § 60, imm. 2 malillugit, aamma Naalakkersuisut isumaqtigijiinniarfigereernerisa kingorna, aalajangersarneqassaaq:

*Silaannakkut angallassinermut ingerlatseqatigiiffit aamma
silaannakkut angallassissutini timmisartortartut pisussaaffii*

§ 1. Timmisartuni timmisartortartut, nunamit Schengen-imi isumaqtigiissummik ilanngussimannngitsumit tikittut imaluunniit nunamit Schengen-imi isumaqtigiissummik ilanngussimannngitsumut aallartut, tulliuttut nakkutigissavaat,

- 1) inuttat aamma ilaasoqarpat ilaasut, imm. 2-miit 4 ilanngullugu malillugit nunamut tassunga isernermet nakkutilliinerup pinissaanut timmisartumiiginnarnissaat, aamma
- 2) imm. 2-miit 4 ilanngullugu malillugit inuttat aamma ilaasoqarpat ilaasut aallarnissamut nakkutilliivigineqarnerat pisinnagu, silaannakkut angallassissutip aallannginnissaa.

Imm. 2. Imm. 1 malillugu, silaannakkut angallassissutit, aalajangersimasumik aaqqissuuteriikkamik angallaveqarlutik Kalaallit Nunaanni mittarfinnut ilaasunik nassataqartartut, taakkunani

Udlændinge- og
Integrationsministeriet
Asyl og Visum
Slotsholmsgade 10
1216 København K

Tel. 6198 4000
Mail uim@uim.dk
Web www.uim.dk

Allakkiaq

aalajangersimasumik politiinit sullissisoqarani, Kalaallit Nunaanni Namminersorlutik Oqartussat isumaqtigiinniarfigereerlugit udlændinge-aamma intregrationsministerimit atulersinneqartumik minnissamut akuersissummik peqassapput. Inuttat aamma ilaasut pillugit nalunaaruteqartarnissaq kiisalu Kalaallit Nunaanni isernermit- aamma aallarnermi nakkutilliinernut atatillugu piumasaqaatit, minnissamut akuersissummum atatillugu piumasaqaatigineqartut allat aalajangersarneqartut, silaannakkut angallassissutini timmisartortartut eqqortissavaat.

Imm. 3. Imm. 1 malillugu silaannakkut angallassissutini timmisartortartut, aalajangersimasumik aaqqissuuteriigaanngitsumik angallaveqarlutik Kalaallit Nunaanni mittarfinnut tikittartut imaluunniit mittarfinnit aallartartut, tikinnginnerminni imaluunniit aallannginnerminni, silaannakkut angallassissutip tikinnissaanut-imaluunniit aallarnissaanut piffissaq aamma isernermit- aamma aallarnermut nakkutilliinermut atugassamik, politiit ilaasut pillugit paasissutissanik katersiviannut Danmarkimiittumut paasissutissat ingerlateqqinnissaat siunertaralugu, inuttat ilaasullu amerlassusaat pillugit mittarfimmut nalunaaruteqassapput.

Imm. 4. Imm. 1 malillugu silaannakkut angallassissutini namminersortunit pigineqartuni timmisartortartut, nunat tamat akornanni inuit sakkutuujunngitsut pillugit silaannakkut angallassineq pillugu isumaqtigiissummum ilangussaq 2-mut naapertuuttumik, aallannginnermi silaannakkut angallassinissamut pilersaarut kiisalu ilaasut kikkuuneri pillugit paasissutissat, isernermit- aamma aallarnermut nakkutilliinermut atugassat, politiit ilaasut pillugit paasissutissanik katersiviannut Danmarkimiittumut nalunaarutigissavaat.

Imm. 5. Ilaasut inuttallu atii tamakkiisut, ullut inuuffii, suaassusaat, naalagaaffimmit suminngaanneernerat, angalanerminni kinaassutsimut uppernarsaataat (suussusaa, normua, oqartussaasut atulersitsisut aamma ulloq atorunnaarfissaa), Kalaallit Nunaanni killeqarfiup ikaarfiusussap sumiiffia, silaannakkut angallassissutip angallassisinnaanerminut kodea aamma Kalaallit Nunaanit aallarnissaq- aamma Kalaallit Nunaannut tikinnissaq pillugit piffissaq kiisalu ilaasut aallaqqaataani angallassissummum ikiffiata sumiiffia, angalanerminni aqqutit aamma inniminniinerminni kodeat, politiit ilaasut pillugit paasissutissanik katersiviannut Danmarkimiittumut, silaannakkut angallassissutip Kalaallit Nunaannut tikinnissaa sioqqullugu, silaannakkut angallassinermut ingerlatseqatigiiffit nalunaarutigissavaat. Paasissutissat

Allakkiaq

elektroniskiusumik imaluunniit periaaseq Rigspolitiinit aalajangerneqartoq atorlugu tunniunneqassapput. Paasissutissat inunnut ataasiakkanut atassuserneqarsinnaasut, paasissutissat taakku politiit allanik suliaqarnerannut atatillugu kingusinnerusukkut pisariaqartinneqalissanngippata, ilaasut Kalaallit Nunaannut isernerisa kingusinnerpaamik nalunaaquut tap akunneri 24-it kingorna, politiit ilaasut pillugit paasissutissanik katersiviata Danmarkimiittup nungutissavai.

Pineqaatissiissutit

§ 2. Inuk, § 1-imik unioqqutitsisoq, akiliisitsissummik imaluunniit Kalaallit Nunaanni pinerluttulerinermi inatsit malillugu pineqaatissiissutinik eqqartuunneqassaaq.

Imm. 2. Ingerlatseqatigiiffit il.il. (inatsisitigut pisinnaatitaasut pisussaatitaasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pinerluttulerineq pillugu inatsiseqartitsineq malillugu akisussaatinneqarsinnaapput.

Atuutilerfissa il.il.

§ 3. Nalunaarut ulloq [...] 2025 atuutilissaaq.

Kaare Dybvad Bek

/

Brit Gotthard Jensen